

主席 閣下

我今日代表個團體，個名好長既，係「關注中國解放軍空軍控制全國空域影響航空業發展聯會香港分會」，我成立呢個會既目的好簡單，就係希望話比大家知，黨係應該指揮槍既～～～

拿，根據我國偉大光榮正確既偉大的馬克思主義者，無產階級革命家、戰略家和理論家，中國共產黨、中國人民解放軍和中華人民共和國的主要締造者和領導人毛澤東主席在1938年既著作《戰爭和戰略問題》中，明確講話「我們的原則是黨指揮槍，而決不容許槍指揮黨。」

然後呢，根據神既第二個獨生子，死了可以復活又可以擇日再死既前國家主席及中央軍委主席江澤民同志既三個代表：「中國共產黨始終代表中國先進社會生產力的發展要求；中國共產黨始終代表中國先進文化的前進方向；中國共產黨始終代表中國最廣大人民的根本利益。」

再然後呢，根據一貫始終光榮正確既現任國家主席胡錦濤的新三民主義就話喇，中國共產黨係「權，為民所用；利，為民所謀；情，為民所繫」

咁個邏輯，已經理順晒啦～～～軍事部署，應該服膺全國一盤棋～～～呢個邏輯係好基本既～

好喇，全國的航空業都被解放軍空軍既空域限制，搞到D飛機成日要兜圈，航班成日誤點，已經大把前輩在全國人大政協既層面做了好多野，我不詳述喇～～～我係「關注中國解放軍空軍控制全國空域影響航空業發展聯會香港分會」既主席，咁我當然要代表香港人講野啦。

畏，家陣空軍話，空域限制係留番D位，在無仗打既時候，要做飛行訓練，咁就好笑喇，而家中港空域限制，香港進出大陸的飛機，要在15700尺上空，咁

就出奇喇，清空左香港與深圳之間的空域，原來用來訓練架～～～？哇～～呢度有邊個在香港北區、上羅湖D U P 骨或者去廣州陶陶居飲茶時，見過上空有戰機訓練飛過呀～～～？有既舉手丫～～係咪我國空軍咁鬼超英趕美，成功研發真正既隱形戰機呀～～～雷達測唔到，連眼都睇唔到，咁厲害～？

有個咁既限制，香港D飛機要兜個大圈先飛到向北，更限制左可以排隊降落的隊伍數目，原來香港不但至紅隧日日塞，連空中都塞機呀～～～畏！！！咁起跑道有咩用先～～～？前面列車尚未開出，有10個月台都係乾等架詐WOR！

不如咁啦，實實際際喇～當年96年香港同大陸講空域問題，空軍就話要香港比錢換左大陸D空管器材，既然比錢解決到問題，不如空軍司令員許其亮，或者廣州軍區總司令徐粉林，快快手手開個價丫～～～反正起條跑道，都千三億喇，就算你話要飲茶，話埋你D兄弟要飲茶，都係有限錢姐，係咪先～

理順左個空域問題，無晒塞機，先好講新跑道呀～～～～～～～拿，黨指揮槍呀～～中國共產黨係咪始終代表中國先進社會生產力的發展要求先～～？！

關注中國解放軍空軍控制全國空域影響航空業發展聯會香港分會

主席
容樂其